

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი**

ბრძანება № 01-02/112

13 მაისი, 2022 წელი

ქ. ბათუმი

**ზოგადსაგანმანათლებლო დაწესებულებების მოსწავლეებისთვის სამეცნიერო  
ნახატების კონკურსის გამოცხადების შესახებ**

„უმადლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, სამეცნიერო-საგანმანათლებლო ღონისძიების „საზღვაო ქვეყნის ლურჯი პოლიტიკა“ 2022 წლის ივლისში გამართვის თაობაზე საქართველოს განათლებისა და მეცნიერების მინისტრის 2022 წლის 15 აპრილის N148077 წერილის, „ბსუ-ში ზოგადსაგანმანათლებლო დაწესებულებების მოსწავლეებისთვის სამეცნიერო ნახატების კონკურსის ჩატარების წესის დამტკიცების შესახებ“ ბსუ-ს რექტორის 2022 წლის 10 მაისის №01-02/109 ბრძანების, „ბსუ-ს რექტორის მოადგილეთა ფუნქციების შესახებ“ ბსუ-ს რექტორის 2021 წლის 26 ნოემბრის №01-02/211 ბრძანების, „ბსუ-ს რექტორის, პროფესორ მერაბ ხალვაშის თურქეთში, არტაანის უნივერსიტეტში მივლინების შესახებ“ ადმინისტრაციის ხელმძღვანელის 2022 წლის 10 მაისის №01-14/62 ბრძანებისა და სამეცნიერო კვლევების სამსახურის უფროსის, თამარ მაჭუტაძის 2022 წლის 13 მაისის № 472196 სამსახურებრივი ბარათის საფუძველზე

**ვ ბ რ ძ ა ნ ე ბ:**

1. გამოცხადდეს კონკურსი ბსუ-ში ზოგადსაგანმანათლებლო დაწესებულებების მოსწავლეებისთვის სამეცნიერო ნახატების კონკურსის შესახებ.
2. კონკურსი ჩატარდეს ბსუ-სა და ბათუმის ხელოვნების სასწავლო უნივერსიტეტთან თანამშრომლობით.
3. განისაზღვროს კონკურსის ჩატარებისა და გადაწყვეტილების მიღების შემდეგი ვადები:
  - ა) ნახატების მიღება - 2022 წლის 13 მაისიდან 15 ივნისამდე;
  - ბ) კონკურსის ჩატარების ორგანიზება - 2022 წლის 16-17 ივნისი;
  - გ) გადაწყვეტილების მიღება და შესაბამისი სამართლებრივი აქტის გამოცემა - 2022 წლის არაუგვიანეს 20 ივნისისა.

4. კონკურსში მონაწილეობის უფლება აქვთ აჭარის ავტონომიური რესპუბლიკის ნებისმიერი ზოგადსაგანმანათლებლო დაწესებულების საბაზო და საშუალო საფეხურის - VII, VIII, IX, X, XI და XII კლასების მოსწავლეებს.

5. კონკურსში მონაწილეობისათვის მოსწავლემ უნდა წარმოადგინოს:

ა) კონკურსში მონაწილის განაცხადი (შედგენილი წინამდებარე წესის ფორმა N1-ის შესაბამისად);

ბ) კონკურსში მონაწილის მხატვრული ნამუშევარი;

7. კონკურსსანტმა კონკურსში მონაწილეობის განაცხადი (ფორმა N1) და მხატვრული ნამუშევარი (თავდაპირველად ფოტოს სახით) უნდა წარმოადგინოს ელექტრონულად, შემდეგ მისამართზე: [competition@bsu.edu.ge](mailto:competition@bsu.edu.ge)

8. თითოეულ კონკურსსანტს უფლება აქვს კონკურსზე წარმოადგინოს მხოლოდ 1 ნამუშევარი, რომელიც უნდა აკმაყოფილებდეს შემდეგ მოთხოვნებს:

ა) ნახატი უნდა იყოს კონკურსსანტის ორიგინალური ნამუშევარი, რომელიც ჯერ არ გამოფენილა;

ბ) ნახატი უნდა იყოს თემატურად ზღვასთან და მეცნიერებასთან კავშირში (საკონკურსო ნახატის შექმნა შთაგონებული უნდა იყოს ზღვასთან დაკავშირებული რაიმე სამეცნიერო აღმოჩენის, ტექნოლოგიური გარღვევის, ინოვაციური გამოგონების, სამეცნიერო ჰიპოთეზის, სამეცნიერო ფენომენის და გამორჩეული კვლევის პროცესით);

გ) საკონკურსო ნამუშევარს/ნახატს თან უნდა ახლდეს აღწერილობა იმის შესახებ, თუ როგორ არის დაკავშირებული ნამუშევარი/ნახატი საზღვაო მეცნიერებასთან (აღწერილობა შეიძლება შეიცავდეს შემდეგ ინფორმაციას: ზღვასთან დაკავშირებული რომელი სამეცნიერო აღმოჩენა, ტექნოლოგიური გარღვევა, ინოვაციური გამოგონება, სამეცნიერო ჰიპოთეზა, სამეცნიერო ფენომენი და გამორჩეული მეცნიერის/გამომგონებლის მოღვაწეობა დაედო საფუძვლად კონკურსსანტის მიერ წარმოდგენილ ნამუშევარს (სიტყვათა რეკომენდებული რაოდენობა - არაუმეტეს 300 სიტყვისა).

დ) მისაღებია სახვითი ხელოვნების ნებისმიერი მიმდინარეობა, თუმცა უპირატესობა მიენიჭება ინოვაციური მიდგომის გამოყენების ამსახველ ნამუშევრებს.

9. დამტკიცდეს საკონკურსო ჟიურის შემადგენლობა წინამდებარე ბრძანების N2 დანართის შესაბამისად.

10. ჟიურს უფლება აქვს:

ა) თემასთან შეუსაბამო ნამუშევარი მოხსნას კონკურსიდან;

ბ) კონკურსსანტისაგან მოითხოვოს ნამუშევრის მატერიალური სახით წარმოდგენა;

გ) საკონკურსო ნამუშევრებისათვის გამოიყენოს შემდეგი შეფასების კრიტერიუმები:

N	კრიტერიუმი	შეფასება (1-5 ქულის ჩათვლით)
1	ორიგინალობა	მინიმუმ -1, მაქსიმუმ - 5

		ქულა
2	ინფორმაციულობა, შინაარსი	მინიმუმ -1, მაქსიმუმ - 5 ქულა
3	შემოქმედებითი ხედვა	მინიმუმ -1, მაქსიმუმ - 5 ქულა
4	მხატვრული და ვიზუალური ეფექტი: ესთეტიკური ხარისხი, ვიზუალური და ემოციური მიმზიდველობა	მინიმუმ -1, მაქსიმუმ - 5 ქულა
	ჯამური ქულა	მინიმუმ - 4, მაქსიმუმ - 20 ქულა
	შენიშვნა: თითოეული კრიტერიუმი ფასდება 5-ქულიანი სისტემით და ქულა განიმარტება შემდეგნაირად: 1 - შეუსაბამო; 2 - სუსტი; 3 - დამაკმაყოფილებელი; 4 - კარგი; 5 - გამორჩეული.	

11. ნამუშევრების შეფასების საფუძველზე ჟიური ადგენს რანჟირებულ სიას და გამოავლენს 10 საუკეთესო ნამუშევარს (გამარჯვებული კონკურსანტები).
12. კონკურსში მონაწილე თითოეულ მოსწავლეს გადაეცემა კონკურსში მონაწილის სიგელი.
13. კონკურსში გამარჯვებულ 10 საუკეთესო ნამუშევარს (კონკურსანტებს) ასევე გადაეცემა ფულადი პრიზები:
  - 14.1. პირველი, მე-2 და მე-3 ადგილზე გასულ კონკურსანტებს:
    - ა) პირველი ადგილზე - 500 ლარი;
    - ბ) მეორე ადგილზე - 300 ლარი;
    - გ) მესამე ადგილი: 200 ლარი.
  - 14.2. მე-4-მე-10 ადგილებზე გასულ თითოეულ კონკურსანტს - 100 ლარი.
15. ჟიურის მიერ გამოვლენილი 10 საუკეთესო ნამუშევარის ავტორები (გამარჯვებული კონკურსანტები) ვალდებული არიან, საჭიროების შემთხვევაში, მათი მხატვრული ნამუშევრები წარმოადგინონ მატერიალური სახით ბსუ-ში, სამეცნიერო-საგანმანათლებლო ღონისძიების „საზღვაო ქვეყნის ლურჯი პოლიტიკა“ ან/და წინამდებარე წესთან თავსებადი სხვა ღონისძიების ფარგლებში გამართულ ფესტივალზე გამოფენის მიზნით.
16. კონკურსში გამარჯვებულმა მოსწავლემ კანონმდებლობით დადგენილი წესით უარი უნდა თქვას ნებისმიერ საავტორო თუ მომიჯნავე უფლებაზე, ასეთის არსებობის შემთხვევაში, ასევე ამ უფლებებიდან გამომდინარე ნებისმიერ უფლებასა თუ მოთხოვნაზე, ბსუ-სა და საქართველოს განათლებისა და მეცნიერების სამინისტროს მეცნიერების პოპულარიზაციის პროგრამის სასარგებლოდ.

17. სამეცნიერო თემატიკაზე ნახატების კონკურსის ადმინისტრირება ხორციელდება საქართველოს განათლებისა და მეცნიერების სამინისტროს მეცნიერების პოპულარიზაციის პროგრამის ფარგლებში, სამინისტროს მხარდაჭერითა და მონაწილეობით.

18. ბრძანება გამოქვეყნდეს ბსუ-ს ვებგვერდზე.

19. ბრძანება ძალაშია ხელმოწერისთანავე.

20. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30), მისი გამოცემის დღიდან ერთი თვის ვადაში.

რექტორის მოადგილე, პროფესორი



ანზორ ბერიძე

**„ზოგადსაგანმანათლებლო დაწესებულებების მოსწავლეებისთვის სამეცნიერო ნახატების კონკურსის გამოცხადების შესახებ“ ბსუ-ს რექტორის <sup>13</sup> მაისის**

№ 01-02/112 ბრძანების

დანართი N1

**კონკურსში მონაწილეობის განაცხადი**

ვეთანხმები კონკურსის პირობებს და წარმოგიდგენთ განცხადებას კონკურსში მონაწილეობის შესახებ. ვადასტურებ, რომ წარმოდგენილი ნამუშევარი შექმნილია ჩემ მიერ. კონკურსში ჩემ მიერ წარმოდგენილი ნამუშევრის გამარჯვების შემთხვევაში, უარს ვამბობ ნებისმიერ საავტორო თუ მომიჯნავე უფლებაზე, ასეთის არსებობის შემთხვევაში, ასევე ამ უფლებებიდან გამომდინარე ნებისმიერ უფლებასა თუ მოთხოვნაზე. თანახმა ვარ, რომ ჩემ მიერ წარმოდგენილი ნამუშევარი გამოყენებული იყოს საქართველოს განათლებისა და მეცნიერების სამინისტროს მიერ მეცნიერების პოპულარიზაციისა და კომუნიკაციის მიზნებისათვის, ავტორის ვინაობის მითითებით. ვაცნობიერებ, რომ რაიმე სიყალბის აღმოჩენის შემთხვევაში, ჩემი ნამუშევარი მოიხსნება კონკურსიდან.

ინფორმაცია კონკურსში მონაწილის შესახებ

ნამუშევრის ავტორი	
სახელი და გვარი	
დაბადების თარიღი (რიცხვი, თვე, წელი)	
გენდერი (მონიშნეთ ერთ-ერთი)	<input type="checkbox"/> ქალი <input type="checkbox"/> ვაჟი
მისამართი	
ელ. ფოსტის მისამართი	
ტელეფონის ნომერი	

ინფორმაცია ნამუშევრის შესახებ

ნამუშევარი	
სათაური (არაუმეტეს 60 სიმბოლო)	
აღწერილობა (არაუმეტეს 300 სიტყვისა)	

-----  
ხელმოწერა

-----  
კანონიერი წარმომადგენლის ხელმოწერა  
(18 წლამდე ასაკის კონკურსანტის შემთხვევაში)

„ზოგადსაგანმანათლებლო დაწესებულებების მოსწავლეებისთვის სამეცნიერო  
ნახატების კონკურსის გამოცხადების შესახებ“ ბსუ-ს რექტორის <sup>13</sup> მაისის

№ 01-02/112 ბრძანების

დანართი N2

ზოგადსაგანმანათლებლო დაწესებულებების მოსწავლეებისთვის სამეცნიერო  
ნახატების კონკურსის გამოცხადების შესახებ ბსუ-ს რექტორის 2022 წლის 06 მაისის

ბრძანებით შექმნილი საკონკურსო კომისიის შემადგენლობა:

1. ქეთევან ვაჩიშვილი- ბათუმის ხელოვნების სასწავლო უნივერსიტეტის პროფესორი;
2. დიანა თალაკვაძე- ბათუმის ხელოვნების სასწავლო უნივერსიტეტის ასოცირებული პროფესორი;
3. მაია ჭყონია- ბათუმის შოთა რუსთაველის სახელმწიფო უნივერსიტეტის მოწვეული მასწავლებელი.